

1 San Juan

Ñu Jesucristore were gojara āhraa

¹ Dohpague ta gũa Jesucristo yare were gojarã iiaa mũare. Mata negue ta árĩdigũ āhrimi ĩgũ. ĩgũ masare mari Pagũ mera eropa árĩniguicũ iigũ āhrimi. ĩgũre ĩabũ gũa. ĩgũ wereniguirire pee gũa ya cuiri mera ĩabũ gũa ĩgũre. Eropirã ĩgũre ĩarã, gũa ya mojotori mera mohmepibũ ĩgũre. ² ĩgũ masare mari Pagũ mera árĩniguicũ iibu árĩgũ ĩgũ i yebague ĩgũ dehyoami. ĩgũ masa dehyoacũ gũa ĩabũ ĩgũre. Eropirã ĩgũre werea gũa mũare. ĩgũ mũuri nũcũ mari Pagũ mera árĩniguicãdigũ mari pohro erami. Eropirã ĩgũre gũa ĩarare werea mũare. ³ Mari Pagũ mera gũa õaro āhraa. ĩgũ magũ Jesucristo mera sãre gũa õaro āhraa. Eropirã mũa sã gũa mera, mari Pagũ mera, ĩgũ magũ mera mũa õaro árĩburire gũa mũa sãre Jesucristore werea. Gũa ĩarare gũa peerare werea. ⁴ Irire ta gũa gojaa mũa õaro mucubiriburire.

Goãmũ mera õaro árĩburi āhraa

⁵ Dohpague ta Jesucristo wereniguirare werea gũa mũare. Iri buherire Jesucristo gũare buhecũ gũa peebũ. Ōpa āhraa. Goãmũ õagũ dihta āhrimi. Ñeripũ ne mara ĩgũre. Irire werea mũare. ⁶ Eropirã mari ñeri iirire iiniguirã, “Goãmũ mera õaro árĩcãa yũhũ,” arĩquererã mari gũyarã iiaa. Eropirã diaye majare iibea.

⁷ Eropirã mari Goãmũ iidiro dopa ta mari ðarire iiniguirã tamera, Goãmũ mera ðaro árĩrã iiaa. Mari basi sã ðaro árĩrã iiaa. Eropigũ Jesucristo Goãmũ magũ mari ñeri iirire árĩpehrerire coegũ ãhrimi. Ĩgũ crusague sĩrigũ ĩgũ dire cóãmi. Ĩgũ eropiigũ mari ñeri iirire coeniguicãmi.

⁸ Yujugũ “Yũ tamera ne ñerire iibeaa,” eropa arĩgũ ĩgũ basi ta gũyami. Eropigũ diaye majare pepibeami. ⁹ Eropirã mari ñero iirare werero gahmea Goãmũre. Eropa wererã mari ñero iira pũhrũ Goãmũre mari weretaripehocãcũ, ĩgũ mari ñero iirare cãdijipehocãgũcumi. Ĩgũ arĩdiro dopa ta diaye ta iigũ ðagũ ãhrimi. Eropigũ daja mari ñeri árĩpehreri sãre coeweagũcumi. ¹⁰ “Árĩpehrerã ñerire iirã ãhrima,” arĩtuhajapũ Goãmũ. Eropirã “Ne ñerire iibeaa yũpũ,” mari arĩrã ðaro arĩbeaa mari. Mari eropa arĩrã “Goãmũ gũyaricũgũ ãhrimi,” arĩdiarã iiaa. Őpa arĩrã ĩgũ ya buherire gamebirã ãhraa.

2

Jesucristo marire itamumi, arĩ wereñumi Ñũ

¹⁻² Yũ porã, mũa ñerire iibiriboro dopa ire gojagũ iiaa. Yujugũ ñero iirare iicũ Jesucristo itamumi marire mari Pagũ iri ñero iirare cãdijiboro dopa. Ĩgũ Jesucristo ðagũ Pagũ pohro árĩgũ ĩgũ Pagũre ðpa arĩ serẽbasacumi mari ñero iira pũhrũ: “Thĩ ñero iira dipuwaja moabita ĩgũre,” arĩrã “Goãmũ gũyaricũgũ ãhrimi,” arĩdiarã iiaa. Őpa arĩrã ĩgũ ya

buhe arĩcumi mari Pagure. Eropigu Jesucristo mari ñero iira dipuwaja wajayebasadi árĩmi. Mari ñero iira dihtare wajayebasabiridigu árĩmi. Árĩpehrero majarãguere erã ñero iirare wajayebasadi árĩmi.

³ Maripũ Goãmũ dorerire iirã árĩrã “Goãmure diaye ta masia yũhũ,” arĩ masia mari. ⁴ Yujugũ Goãmũ dorerire iibigu, “Yũ sã Goãmure diaye ta masia yũhũ,” arĩgu gũyagu ãhrimi. Eropigu Cristo yare masibeami. iiaa. Ōpa arĩrã ĩgu ya buhe ⁵ Goãmũ dorerire iigupũ ĩgu Goãmure õaro mahigu ãhrimi. Eropa arĩgu ta “Yũhũ Goãmũ mera õaro arĩcãgu ãhraa,” arĩ masimi ĩgu. ⁶ Mari “Goãmũ mera õaro ãhraa,” arĩrã Jesucristo ĩgu õaro arĩricũdiro dopa ta iiro gahmea.

Goãmũ doreriñe ãhraa

⁷ Yũ acawererã, yũhũ mũare dohpaguere werebeoburi mama doreriñe árĩbeaa. I doreriñe mũa negohraguere Jesu buherire peerañe ta ãhraa. Eropirã iriñe doreriñere peetuhajabũ mũa. ⁸ Iri doreriñe “Gajirãre mahi umupeoque,” arãa. Cristo iri doreriñere iigu masare umupeomi. Eropiro dohpaguere iri doreriñe mũrañe doreriñe arĩquerero ta mama doreriñe sã ãhraa. Dohpaguere mũa pee masibirirañe pehre wahgãro iiaa õaro. Jesucristo mũare pee masicũ iigu eraturajami. Eropirã mũa sã masare umupeorã iiaa.

⁹ Eropigu yujugũ gajigũre ĩhaturigu arĩgu ñerire iigu ãhrimi. ĩgu ta “Yũhũ õarire iigu ãhraa,” arĩmasibeami ĩgu gajigũre

ĩhaturinijagu. ¹⁰ Eropigu yujugu gajirãre mahi umupeogu tamera õarire iigu õaro ãhrimi. Eropigu ñerire iibeami. ¹¹ Gajirãre ĩhaturigupũ ñerire iigu ãhrimi. Eropigu ĩgu õaro iiburire pee masibeami ĩgu.

¹² Yu porã, Goãmu mua ñeri dipuwajare cãdijipehodi árĩmi Cristo ĩgu sĩrirañe mera. Eropa mua ñerire cãdijisũrã árĩcũ muare wegũ árĩgu ñerire iigu ãhrimi. ĩgu ta “Yũhu õarire iigu ãhraa,” arĩmasibre gojagu iiaa. ¹³ Mua pagu sũmarã sã, mua Cristore negohraguere árĩdigũre masirã ãhraa pare. Mua eropa masicũ mua sãre were gojagu iiaa. Mua mamarã, mua watĩre tarinũgabũ mua. Mua eropa tarinũgarã árĩcũ muare were gojagu iiaa.

Yu porã, mua mari Pagũre masia. Mua eropa masirã árĩcũ were gojagu iiaa. ¹⁴ Mua pagu sũmarã, mua Cristore negohraguere árĩdigũre masia mua. Mua eropa masirã árĩcũ muare were gojagu iiaa. Mua mamarã, mua Goãmu yare umupeoturarã ãhraa. Eropirã ĩgu yare diaye majare iiaa. Goãmu werenĩguirire masia. Mua eropiirã watĩre tarinũgabũ. Eropigu muare were gojagu iiaa.

¹⁵ I yebare, i yeba majare gamebircãque. I yeba majare gamerã maripũ mari Pagũre gamebeaa mari. ¹⁶ I yeba maja ãhraa: Masa erã ñerire ãaribejari, ñero ĩha iiditari ãhraa. Eropárĩcũ masa erã ya dihta guña mucubiriri ãhraa. Iri Goãmu mari Pagũ ya árĩbeaa. Iri árĩpehreri i yeba maja ãhraa. ¹⁷ Eropirã i yeba majare iirã erã ñero iiditari mera dederea

wahama i yeba mera. Goãmũ yapũ pehresome. Eropirã Goãmũ yare iirãpũ Goãmũ mera árĩniguicãrãcoma.

Diaye maja árĩri, diaye maja árĩbiriri ãhrra, arĩ gojañumi Ñũ

¹⁸ Yũ porã, i Ʃmũ pehrebro merogã dũhyaa. “Cristore ìhaturidigũ gohra arigũcumĩ,” arĩ Jesu yarã mũare weretuhajama. Dohpagueere Cristore ìhaturirã bajarã árĩtuhajama. Eropirã dohpagueere i Ʃmũ pehreburiũ merogã ero dũhyacũ mari masia. ¹⁹ Oã Cristore ìhaturirãpũ mari mera árĩquererã mari yarã diaye árĩbeama. Eropirã marire cohã wiriama. Erã mari yarã árĩrã mari mera dujaboãnuma. Eropirã marire cohã wiriama. Erã eropa wiriacũ mari mera majarã erã árĩbirirare masia mari.

²⁰ Mũapũre Cristo Espĩritu Santore mũare otuhajadi árĩmi. Eropigũ Espĩpehreri i yeba maja ãhrra. Íritu Santo mũa mera ãhrimi. Ìgũ árĩro mera mũa árĩpehreri diaye maja árĩrire masia. ²¹ Eropigũ yũ mũare weregũ, “Diaye maja árĩrire masibea mũa,” arĩbeaa yũhũ. Mũa diaye maja árĩrire masirã gũyacũ sãre masia. Eropigũ mũare werea yũhũ.

²² Ihĩ diaye majare masibigũ ãhrimi gũyagupũ. “Jesucristo Goãmũ magũ árĩbeami,” arĩgupũ gũyagũ ãhrimi. Ìgũ Cristore ìhaturigũ ãhrimi ìgũ. Eropigũ mari Pagũre ìgũ magũ sãre “Erã diaye ta árĩbeama,” arĩgũ Cristore ìhaturigũ ta ãhrimi. ²³ Ōpa ãhrra: Jesure gamebigupũ mari Pagũ sãre gamebeami. Jesure umupeogũ mari Pagũ sãre umupeomi.

²⁴ Negohraguere mũa Goãmũ yare peebũ. Irire õaro guñaque. Irire guñarã Jesucristo mera õaro árĩrãca. Eropirã mari Pagũ mera sãre õaro árĩrãca. ²⁵ Jesucristo marire weremi: Õpa ãhraa ïgũ werera: “Mũa ımuri nũcu Goãmũ mera árĩrãca,” arĩ werepimi Jesu marire.

²⁶ Gajirã mũare gũyadjarima. Eropigũ mũare were gojaa. ²⁷ Mũapũre Cristo Espĩritu Santore otuhajami. Espĩritu Santo mũa mera árĩniguimi. Eropigũ Espĩritu Santo mũa mera árĩgũ diaye majare mũare masicũ iimi. Espĩritu Santo mũare buhecũ ïha gajigũ mũare buhegũre amabeaa mũa. Árĩpehrerire diaye maja árĩrĩre buhemi mũare Espĩritu Santopũ. Gũyarire ne buhebeamĩ ïgũ. Eropirã Espĩritu Santo ïgũ mũare buhediro dopa ta Jesucristo yare peerã ïgũ mera õaro árĩque.

²⁸ Eropirã, yũ porã, Jesucristo mera majarã árĩque. Mũa eropiirã Cristo ïgũ dujaririnũ árĩcũ ne gũisome ïgũre. Eropirã ïgũ dujaririnũ árĩcũ mũa gũhyasĩriri mariro árĩrãca. ²⁹ Cristo Goãmũ magũ ïgũ õari dihta iidigũ árĩcũ mũa masia. Irire masirã iri sãre masia mũa. “Árĩpehrerã diaye maja õarire iirã Goãmũ porã ta ãhrima,” arĩ masia mũa.

3

Mũa ta Goãmũ porã ãhraa, arĩ werera ãhraa

¹ Goãmũ mahitaricãmi marire. Eropigũ ïgũ marire “Mũa yũ porã ta ãhraa,” arĩmi. Eropirã ïgũ porã ta ãhraa mari. I yeba majarã ñerã Goãmũre masibeamã. Eropirã erã mari sãre

masibeama Goãmũ porã mari árĩcũ. ² Yũ mahirá, dohpague Goãmũ porã ãhraa mari. Pũhrũgue mari dohpa árĩburire mari õaro masibeaa dohpa. Cristo dehyoacũ daja diaye ta irire masirãca. Ĩgũ árĩricũre ĩha masirãca. Eropirã Cristo marire dehyoacũ daja ĩgũ iro dopa ta mari gohroto árĩrãca. Eropirã ĩgũ õagũ iiro dopa ta iirãca pare. Irire masia mari. ³ Eropa masirã ñerire duhu Cristo ĩgũ árĩro dopa ta õarire iidiaa dohpague sãre.

⁴ Árĩpehrerã ñerire iirã Goãmũ dorerire tarinũgarã ãhrima. Ñero iiri Goãmũ dorerire tarinũgari ãhraa. ⁵ Cristo márĩburire mari õaro masibeaa dohpa. Cristo dehyoacũ daja diaye ta irire masirãca. Ĩgũ árĩricũre ĩha masirãca. Eropirã Cristo marire dehyoacũ daja ĩgũ iro dopa ta mari gohroto árĩrãca. Eropirã ĩgũ õagũ iiro dopa ta iirãca pare. Irire arĩ masa ñerire cóãbu erami. Ĩgũpũre ñeri ne mara. Mũa irire masia. ⁶ Eropirã árĩpehrerã Cristo mera majarã árĩrã erã sã ñerire eropa iiniguicãbeama. Ñerire eropa iiniguicãrã Cristore ne masibeama. Eropa iirã Cristo yarã árĩbeama. ⁷ Yũ buherã, mũare gũyarãre peebiricãque. Árĩpehrerã diaye majare iirã, Cristo iro dopa õarã ãhrima. ⁸ Ñerire eropa iiniguicãgũ watĩ yagũ ãhrimi. Watĩ tamera mata ñerire iinũgadigũ árĩñumi. Eropigũ Goãmũ magũ Jesucristo watĩ dorerire cóãgũ erami.

⁹ Eropirã Goãmũ porã ĩgũ árĩrere opama. Eropirã erã ñerire eropa iiniguicãbeama.

Goãmũ erã Pagũ árĩcũ erãpũ ñerire iiniguicãmasibeama. ¹⁰ Õpa Goãmũ porã árĩrãre, watĩ porã árĩrã sãre masirãca. Watĩ porã Goãmũ porã iro dopa ta árĩbeama. Diaye maja árĩrere iibirã, gajirãre umupeobirã Goãmũ porã árĩbeama.

Mũa mera majarãre mahi umupeoque, arĩ werera ãhrraa

¹¹ “Mari mera majarãre mahi umupeoro gah-meã,” ne arĩ buhecũ peeabũ mũa. ¹² Eropirã mari Caĩn iribojegue majagũ ĩgũ ñero iidiro dopa ta ñerire iibiricãrã. ĩgũ Caĩn watĩ yagũ árĩdi ĩgũ pagũ magũre wejẽcãñumi. Caĩn ñerire iimuriñumi. ĩgũ pagũ magupũ õarire iimuriñumi. ĩgũ eropa õarire iira dipuwaja Caĩnpũ ĩgũre ĩhaturĩñumi. Eropigũ ĩgũre wejẽcãñumi.

¹³ Eropirã i mũmũ majarã ñero iiricũrã mari õarire iicũ ĩha ĩhaturima marire. Eropirã “¿Duhpirã yũre ĩhaturiri erã?” arĩrere masirãca. ¹⁴ Negohrere mari Goãmũ yare iibirã árĩnirã mari dederebonirã árĩribũ. Dohpaguere pare Goãmũ yare iirã árĩrã ĩgũ mera árĩniguimorã ãhrraa. Eropirã ĩgũ itamuri mera Jesu yarãre mahi umupeorã ãhrraa. Eropa umupeorã árĩrã “Goãmũ yarã ãhrraa,” arĩ masia mari. Masare mahibirã peamegue wamorã ãhrima. ¹⁵ Eropirã erã erã mera majarãre ĩhaturirãpũ masare wejẽrã iro dopa ta iima Goãmũ ĩgũ ĩacũ. Masare wejẽrã mũmarogue árĩmorã árĩbeama. Irire õaro masia mũa. ¹⁶ Cristo ĩgũ sĩrirañere guñarã marire ĩgũ

mahira gohrare masia. Cristo mari masare mahitarigũ mari dipuwajare aĩ mari Goãmũ mera árĩniguiborore sĩrimi. Mari sã gajirãre itamugũ sĩribu ta árĩqueregũ mari acawererãre mahi itamuro gahmea. ¹⁷ Yujugũ baja opagũ Jesucristo yagũre mojomorocugũre ĩaqueregũ ta ĩgũre mojomoro ĩabigũ Goãmũre mahibeami ĩgũ. ¹⁸ Yũ porã, mari “Yũhũ masare umupeoa,” mari arĩ wererã erãre itamuro gahmea. Erãre itamubirã erãre mahi umupeobirã iiaa.

Gũiro mariro Goãmũ pohro árĩmasia mari

¹⁹ Eropa gajirãre mahi umupeorã, “Mari diaye ta Goãmũ yarã ãhraa,” arĩmasia. ²⁰ Eropirã mari basi “Gajino yũ ñero iira dipuwaja árĩca yũre,” arĩ pepiquererã ta Goãmũ mera õaro sĩporãcurã árĩmasia. Goãmũpũ árĩpehrerire masigũ õaro masimi mari sĩporãrĩre. ²¹ Eropirã mari “Ñeri dipuwaja marica yũre,” arĩ pepirã õarire iirã Goãmũ mera mari gũiro mariro árĩmasia. ²² Goãmũ ĩgũ dorerire ĩgũ gamerire mari iicũ ĩgũre mari serẽri nũcũre ogũcumi marire. ²³ Õpa doremi ĩgũ marire: “Goãmũ magũ Jesucristore umupeoque. Eropirã mũa mera majarãre mahi umupeoque Cristo marire ĩgũ doreldiro dopa ta,” arĩ doremi marire. ²⁴ Goãmũ dorerire iirã Goãmũ mera õaro árĩcãa mari. ĩgũ Goãmũ sã mari mera õaro ãhrimi. Goãmũ ĩgũ Espĩritu Santore obeomi marire. Mari mera árĩgũ “Goãmũ yũ mera ãhrimi,” mari arĩ masiburire Espĩritu Santo marire masicũ iimi.

4

Goãmũ yarã gohrare masiro gahmea marire, arĩ werera ãhraa

¹ Yũ mera majarã, dohpaguere i umũre bajarã gũyarã ãhrima, “Goãmũ yare wererã ãhraa,” arĩquererã. Eropirã gajirã mũa watopegue Goãmũ yare buherã aricũ õaro ãaque erãre. “¿Erã buheri noa buheri ãhriri?” arĩ ãaque. “¿Erã Goãmũ yarã ãhriri?” arĩ ãaque. ² Õpa masique erãre serẽpirã: “¿Jesucristo i yebague aridigũ diaye ta masũ gohra árĩyuri?” arĩ serẽpiñaque erãre. Mũa eroparĩcũ pee erã Goãmũ yarã árĩrã “Masũ ta árĩñumi Jesu,” arĩ yũhrirãcoma. ³ Erã Goãmũ yarã árĩbirãpũ “Jesucristo masũ gohra árĩbiriñumi,” arĩ yũhrirãcoma. Erã eropa arĩ yũhricũ “Erã ya pepiri Cristore ãhaturigũ ya dorero dopa ta ãhraa,” arĩ masirãca mũa. “Cristore ãhaturigũ arigũcumĩ,” peetuhajabũ mũa. Eropigũ ãgũ ya buheri i yebaguere árĩtuhajaa.

⁴ Yũ porã, Goãmũ yarã ãhraa mũaapũ. Eropirã mũa Goãmũ yare were gũyarãre tarinũgatuhajabũ. Mũa mera árĩgũ Espĩritu Santopũ watĩ tauro ãhrimi. Watĩ i umũ majarã yagũ ãhrimi. Eropirã mũare gũyarãre tarinũga, erãre peebirabũ mũa. ⁵ Gũyarãpũ i umũ majarã ãhrima. Eropirã erã i umũ majare gũyarire buhecũ i umũ majarã dihta erãre peema. ⁶ Maripũ Goãmũ yarã ãhraa. Eropirã Goãmũre masirãpũ marire peema. Gajirãpũ Goãmũ yarã árĩbirãpũ marire peebeema. Eropirã õpa arĩ masia mari. “Erã Goãmũ yare peerã Goãmũ

doreri diaye majare opama. Erã Goãmũ yare peebirãpũ watĩ doreri gũyari majare opama,” arĩ masia mari.

Goãmũ árĩpehrerãre bũrigã mahiniguigu ãhrimi, arĩ werera ãhraa

⁷ Yũ mahirã, mari gajirãre mahicũ Goãmũ iigu ãhrimi. Īgu eropárĩcũ ĩarã mari mera majarãre mahirã. Masare õaro mahirãpũ Goãmũ porã ãhrima. Eropirã erã Goãmũre õaro masima. ⁸ Masare árĩpehrerãre Goãmũ bũrigã mahiniguigu ãhrimi. Īgu eropa mahiniguigu árĩcũ masare mahibirãpũ Goãmũre masibeamã. ⁹ Goãmũ marire ĩgu mahirare ĩhmudi árĩmi ĩgu magũre obeogu. Īgu magũre yujugu ta árĩgũre marire taubu obeodi árĩmi i yebaguere. Eropã obeogu marire ĩgu mahirire masicũ iidi árĩmi. ¹⁰ Īgu magũre obeora mahiri gohra ãhraa. Mari masa Goãmũre mahibiriqerrecũ ĩgu Goãmũpũ marire bũrigã mahidi árĩmi. Eropigu ĩgu magũre obeodi árĩmi mari ñerire cóãbure. Īgu magũre obeora iri ta ãhraa marire ĩgu mahiri gohra.

¹¹ Eropirã, yũ mahirã, Goãmũ bũrigã marire mahicũ ĩarã mari sã mari mera majarãre mahirã. ¹² Masapũ ne mari Pagũre Goãmũre ĩabeamã. Īgũre ĩabirã mari árĩqerrecũ ta mari mera majarãre mari mahicũ Goãmũpũ mari mera õaro eropa árĩniguicãmi. Eropigu ĩgu mari mera árĩgũ marire gajirãre õaro mahinemocũ iimi. ¹³ Goãmũ marire ĩgu Espĩriture ohami. Eropirã ĩgu Espĩriture mari oparã “Goãmũ mari mera õaro ãhrimi,” arĩ

masia mari. ¹⁴ Mari Pagu ĩgu magure i yeba majarãre taubure ĩgu obeocũ gua ĩabũ. Eropirã irire ĩanirã gajirãguere irire werea gua. ¹⁵ “Jesucristo Goãmũ magu ta aħrimi,” arĩgu ĩgu ta Goãmũ mera õaro arĩgu iimi. Eropigu Goãmũ sã ĩgu mera õaro arĩcãgu iimi.

¹⁶ Eropirã Goãmũ marire mahirire masia mari. Eropirã marire diaye ta mahigu ĩgu arĩcũ masia mari. Goãmũ masare arĩpehrerãre buriã mahiniguicãgu aħrimi. Eropirã masare mahiniguirãpũ Goãmũ mera õaro aħrima. Goãmũ sã erã mera õaro aħrimi. ¹⁷ I yeba arĩdigũ Cristo Goãmũre gajirã sãre ĩgu mahidiro dopa ta mari sã Goãmũre gajirã sãre mahia. Eropirã mari eropa mahirã mahinemoa, dipuwaja moarinũ arĩcũ mari guibiriboro dopa. ¹⁸ Eropirã mari Goãmũre mahirã guibeaa. “Goãmũ marire buriã mahimi,” arĩ õaro masirã guisome pare. “Mata Goãmũ yũre dipuwaja moagucumi,” arĩ pepirãpũ gũia mari. Mari eropa pepirã Goãmũ marire ĩgu mahirire õaro masibeaa.

¹⁹ Marire Goãmũ mahimũhtami. Eropirã mari sã ĩgũre mahia. ²⁰ Yujugu masũ gajigũre ĩhaturigu arĩqueregu “Yũ sã Goãmũre mahia,” arĩgu guyagu aħrimi. Gajigũre ĩhaturigu Goãmũre mahibeami ĩgu. Gajigũre ĩgu masigu arĩqueregu ta mahibigu Goãmũ sãre ĩgu ne ĩabigũre mahimasibeami ĩgu. ²¹ Eropa aħraa marire Cristo ĩgu doreri: Goãmũre mahirã arĩrã mũa pohro arĩrã sãre mahi umupeoque.

5

Goãmꝯ porã árĩrã Goãmꝯ dorerire iima, arĩ werera ãhraa

¹ Árĩpehrerã Jesupure “Cristo ãhrimi. Goãmꝯ obeodigꝯ ire burigã mahimi,” arĩãhrimi,” arĩrã Goãmꝯ porã ta ãhrima. Gajirã pagure mahirã ĩgꝯ porã sãre mahia mari. Eropa ta mari mari Pagure Goãmure mahirã, ĩgꝯ porã sãre mahia.

² Eropirã Goãmꝯ porãre mari mahirire mari õpa masirãca: Goãmure mahi, ĩgꝯ dorerire õaro ii, ĩgꝯ porã sãre mari mahirã iiaa.

³⁻⁴ ĩgꝯ dorerire õaro iirã Goãmure mahirã iiaa mari. Marire Goãmꝯ ĩgꝯ dorerire iicũ teboricũsũya mara. Eropirã mari árĩpehrerã Goãmꝯ porã árĩrã, i umꝯ maja ñerire eropa iiniguicãsome. Goãmure umupeorã ne ñerire gamebeaa. Eropirã ĩgure mari umupeora pũhrũ ñerire iidiabeaa. ⁵ Ñerire gamebirã õpa arĩrã ãhraa mari Jesucristore. “Jesu Goãmꝯ magꝯ ta ãhrimi,” arĩ umupeorã ta ãhraa. Eropa arĩrã árĩrã ñerire gamebirã ãhraa mari.

Goãmꝯ magꝯ árĩricurire werera ãhraa

⁶ Jesucristo i yebague erami. I yebaguere árĩgꝯ deco mera waĩyesũmi. Deco dihta árĩbeaa. Pũhrũ sĩrigꝯ ĩgꝯ di cóãmi. Eropirã Jesucristore ĩgꝯ deco mera waĩyecũ ĩha ĩgꝯ ya di cóãcũ ĩha “ĩgꝯ Goãmꝯ magꝯ ta ãhrimi,” arĩ masia mari. Jesucristo árĩricurire diaye ta marire árĩpehrerãre masicũ iimi Espĩritu Santo. Espĩritu Santo diaye majare marire masicũ iimi.

⁷⁻⁸ Ëmarogue sãre irire “Jesucristo Goãmꝯ magꝯ

ta āhrimi,” arī wererā ɯrerā āhrima. Mari Pagu, ĩgu magu, Espiritu Santo erā ta āhrima. Erā ɯrerā ta āhrima. Eropirā yujugu iro dopa ta āhrima. I yebague säre “Jesucristo Goāmɯ magu āhrimi,” arī masisūa. ĩgu magu ĩgu árĩricurire Espiritu Santo marire masicū iimi. Eropi Jesure deco mera ĩgu waīyerare masirā “ĩgu Goāmɯ magu āhrimi,” arī mari masia. Eropirā mari árĩburire Jesu sĩrigu ĩgu di cóarañere ĩha masirā “Goāmɯ magu ta āhrimi,” arī masia mari. Iri mera marire masiro gahmea. ⁹ Mari masa dihta wereniguicū mari peea. Eropirā marire Goāmɯpɯ ĩgu magu árĩricurire wereniguicū ōaro peero gahmea. ¹⁰ Eropirā Goāmɯ magure umupeorā ĩgu Jesure were buherire ōaro peema. “Diaye ta āhraa,” arī pepima erā Jesu yare buherire. Goāmɯ ĩgu magu yare “Diaye árĩbeaa,” arī pepirāpɯ “Goāmɯ gɯyagu āhrimi,” arĩrā āhrima erā. Goāmɯ ĩgu magure arī wererire peebirā āhrima. ¹¹ Goāmɯ marire ɯmɯri nɯcɯ ĩgu mera mari árĩniguicū iigucumi. Goāmɯ magure gamerā árĩrā mari árĩcū ĩgu mera eropa árĩniguicū iigucumi marire. I āhraa Goāmɯ magure ĩgu wereri. ¹² Eropirā Goāmɯ magure umupeorā Goāmɯ mera árĩniguicārāca. Eropirā gajirā ĩgure gamebirāpɯ ĩgu mera árĩsome.

Weretu ĩgu gojara āhraa

¹³ Mɯa Goāmɯ magure umupeorā ĩgure peerā mɯa Goāmɯ mera eropa árĩniguicārāca. Mɯa Goāmɯ mera árĩburire ōaro masicū mɯare were gojagu iiaa.

14 Mari, mari dohpa árĩrire Goãmure serērã ĩġu gamediro dopa ta mari serēcũ ĩġu marire õaro peenurugucumi. Eropa mari serērã, “Diaye ta õaro peemi ĩġu,” arĩ masia mari. 15 ĩġure mari eropa serēcũ ĩġu marire peemi. ĩġu pee mari serēropẽ ta ogucumi. ĩġu eropa peecũ masirã ĩġure mari serēropẽ ta ĩġu obu árĩcũ sãre masia mari.

16 Mari mera majagu gajigu Jesucristore umupeogu ñerire ĩġu iigu árĩcũ ĩha ĩġure Goãmure serēbasaro gahmea. Eropa serēcũ Goãmũ ĩġure taugucumi ĩġu dedereborañere. Gaji ñero iiri ãhraa. Iri ñero iirire gajigu ĩġu iigu árĩcũ ĩha Goãmũ ĩġure dedereburiñere taubeami. Eropigu mũ acaweregu iri ñerire iicũ Goãmũ taubiriburire iicũ “ĩġure Goãmure serēbasaque,” arĩbeaa yuhũ mũare. 17 Árĩpehreri ñero iiri ñetariari ãhraa Goãmũ ĩġu ĩacũ. Eropa árĩquerecũ gaji ñeri iiri peamegue wacũ iibeaa masare.

18 Goãmũ magu Jesucristo Goãmũ porãre õaro cãhmotami. Eropigu watĩpu Goãmũ porãre ñero iirire doremásibeami. Eropirã Jesucristo cãhmotari mera Goãmũ porã ne ñero iirire eropa iiniguicãbeama. Irire mari masia.

19 Mari Goãmũ porã ãhraa. Watĩ i mũmũ majarã opu ãhrimi. Iri sãre masia mari.

20 Goãmũ magu i yebague aridi Goãmure õaro masicũ iimi ĩġu marire. Eropirã Goãmure “Diaye ta ãhrimi,” arĩ masia mari. Eropirã Goãmũ magu Jesucristo yarã ãhraa mari. Eropirã Goãmũ mera mari õaro árĩniguicãrã iiaa. Ihĩ diaye

ta Goãmũ gohra ta ãhrimi. Eropirã ãgu mera
árĩniguicãrãca.

²¹ Yũ buherã, goãmarã wéanirãre “Goãmũ
ãhrimi,” arĩ umupeobiricãque. Goãmũ dihtare
umupeoque. Iripẽta ãhraa.

Goãmu Yare Wereripu
Desano: Goãmu Yare Wereripu New Testament
copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022
17771afc-c309-57fd-9ff3-2d5a0cd59ff1